



舊事紀考評說

リ 5  
4951





旧事紀考評說



舊事紀考評說

舊事本紀十冊傳云豐御食炊屋姬天皇朝聖德

廣戶太子蘇我鸕天臣馬子宿禰奉勅而所撰之

書也又曰舊事紀古事記日本紀號之神道三部

本書也其部本書之類古書無所見蓋俗傳也

其書也其部本書之類古書無所見蓋俗傳也

其書也其部本書之類古書無所見蓋俗傳也

其書也其部本書之類古書無所見蓋俗傳也

其書也其部本書之類古書無所見蓋俗傳也

其書也其部本書之類古書無所見蓋俗傳也

水五叶子屋





U 5  
4951

日本書紀考評說

舊事紀考評說

水五味均平藏



舊事本紀十冊傳云豐御食炊屋姬天皇朝聖德  
殿戶太子蘇我島大臣馬子宿祢奉勅而所撰之  
書也又曰舊事紀古事記日本紀號之神道三部  
本書也三部本書之稱古書無所見蓋俗傳乎凡  
此書行于世既七百餘年其間縉紳先生僉因循  
於此書未聽有指斥其贗者也指斥其贗昉于多  
田義寬著偽書考授門人而翁未見之雖然嘗在  
其講席預聞其說今也讀之舉書中可疑者二十  
餘條加評說為一篇云爾



聖德皇太子撰書存亡說

日本書紀豐御食炊屋姬天皇廿八年云是歲皇

太子島大臣共議之錄天皇記及國記臣連伴造

國造百八十部並公民本紀云作記計其書

按今所行舊事本紀雖謂此時撰書此紀文不表

舊事本紀之名且先代舊事本紀之名似採古事

記序謂先代舊辭者是可疑本紀云作記計其書

日本紀云天豐財重日足姬天皇四年己酉蘇我

臣蝦蟇及入鹿等臨誅悉燒天皇記國記珍寶船

史即惠尺疾取所燒之國記而奉中大兄云云



此厨戶錄國記後三十七年而遭此裁也或疑謂

惠尺取國記奉中大兄則厨戶之撰書此時幸免

煨燼而後補綴之為今書乎而雖有此疑以後來

勅安麻呂作古事記視之厨戶之手撰不存者無

疑乎

日本紀云天淳中原瀛真人天皇十年三月丙戌

天皇御大極殿以詔川島皇子忍壁皇子廣瀨王

竹田王桑田王三野王大錦下上毛野君三千小

錦中忌部連首小錦下阿曇連稻敷難波連大形

大山上中臣連大島大山下平群臣子首令記定



帝紀及上古諸事大島子首親疑筆以錄焉云云  
此天武朝先代國記亡朝政關先轍故有此命乎  
雖然不聞書成而行于世也蓋不愜帝意而廢乎  
選者十餘人當此世探諸家而輯錄焉則神代以  
來舊事幾乎無遺漏惜哉而以有此舉推之前記  
之亡可知也

古事記序曰上暨飛鳥清涼大宮御大八州天皇  
御世中於是天皇詔云朕聞諸家之所廢帝紀及  
本辭既違正實多加虛偽當今之時不改其失未  
經幾年其旨欲滅斯乃邦家之經緯王化之鴻基焉

故惟撰錄帝紀討覈舊辭削偽定實欲流後葉時  
有舍人姓稗田名阿禮年是廿八為人聰明度目  
誦口拂耳勒心即勅語阿禮令誦習帝皇日繼及  
先代舊辭然運移世異未行其事矣伏惟皇帝陛下  
下中於焉惜舊辭之悞忤正先紀之繆錯以和銅  
四年九月十八日詔臣安萬侶撰錄稗田阿禮所  
誦之勅語舊辭以獻上者謹隨詔旨子細採摭云云  
考序意天武帝嘗有意於修撰國記先令阿禮誦  
習天皇日繼先代舊辭而未及撰錄而升遐時世  
漸移及元明帝追繼天武帝之遺志勅安麻呂採



撫阿礼所誦作古事記之謂也夫阿礼所誦則天皇日繼先代舊辭而已然則與殿戶所撰可太概不異也而安麻呂錄之不加文飾則殿戶之撰書亦猶古事記乎若夫當天武之朝有今所行舊事記者何煩令誦習日繼舊辭耶當元明之朝而有今所行舊事記者則何煩令撰錄古事記耶然則殿戶之書遭入鹿戕而亡者蓋無疑矣

卜部兼方釋日本紀開題云弘仁私記序云夫日本書紀者一品舍人親王從四位下勲五等大朝臣安麻呂等奉勅所撰也清足姬天皇負扈之內

位廿八年歲次庚辰春二月甲午朔戊戌攝政上官殿戶豐聰耳聖德太子尊命大臣蘇我馬子宿禰等奉勅撰定且錄先代舊事上古國記神代本紀神祇本紀天孫本紀天皇本紀諸王本紀臣連本紀伴造國造百八十部公民本紀者謹據勅旨因循古記太子為儒釋說次錄而修撰未竟太子薨矣撰錄之事輟而不續因斯且所撰定神皇系圖一卷先代國記神皇本紀臣連伴造國造本紀十卷號曰先代舊事本紀所謂先代舊事本紀者蓋謂開闢以降當代以往者也其諸皇王子百八



十部公民本紀者更待 後勅可撰錄于時卅年  
歲次壬午春二月朔己丑是也凡厥脩撰題目顯  
錄如左

此序僅十數行而重複窒礙一篇不貫通疑非馬  
子之撰也或謂推古之世尚矣其文拙亦其時耳  
可以之疑之哉夫吾國自神后征服三韓文學之  
設以通四方志施及中國履中之御宇諸國置史  
誌言事視荒道若即子習諸典籍於王仁莫不通  
達貴介縉紳嚮學者尚矣至推古四百余年百濟  
年貢博士有若段楊亦固德丁安王辰爾皇極御

宇距推古不遠而天智為仲大兄與鎌子俱學周  
孔之教於南淵先生也若厨戶學內外典於覺智  
惠慈至其文章十七條憲法可徵也馬子雖史只  
稱武略辨才而不及才學之事而既與厨戶俱預  
國紀修撰則假令才讓七步亦何至淺劣鄙俚如  
此乎哉且夫史者萬代之龜鑑也而序以冠其始  
繼馬子無文才豈不令其人書之乎哉  
序云先代舊事本紀云云如厨戶之時既有此名  
則日本紀厨戶馬子撰書之事何不表其名古事  
記序中謂撰書之事亦何不及此書且如古書律



令不設名直呼為律令耳古事記古語拾遺亦不  
記其名止日本紀適題書名耳此書實厨戶之撰  
也歟前乎日本紀一百餘年又一層古書也而此  
古事記文體往往不古且書中表其名是皆可疑  
日本紀神代卷國常立尊注云至貴曰尊自餘曰  
命並訓美舉等下皆效此以尊命字別尊卑創見  
日本紀故註以示例也故古事記日本紀其撰殆  
同時而尚且不用尊字稱某神稱某命而已而此  
書反用尊命字而別尊卑者何哉尊命別尊卑始  
于厨戶者則古事記何不因循耶日本紀何註凡

例耶此亦可疑也

地神本紀曰于時自浪穗乘天蘿摩船有一箇小男  
以蘇皮為船以鷓鴣羽為衣註也而內字上有亦字內刺鵝皮為衣服云云

神代卷云有一箇小男以蘇皮為舟以鷓鴣羽為  
衣云云古事記云時自波穗乘天之蘿摩船而內  
刺鵝皮刺為衣服有歸來神云云二書之文如此而  
此書兼舉似摸稜乎故語重意複書中此類多矣  
可疑

神祇本紀云月夜見尊奉勅降至于保食神許保  
食神乃廻頭嚮國則自口出飯復嚮山則毛麿毛柔

復嚮海則轄廣轄狹亦自口出



真潮云評說曰  
可有两書一貫  
之與旨者迷者  
世神道者流所  
謂傳授者也下

亦自口出夫品拘悉貯之百机而饗是時月夜見尊  
忿然作色曰穢哉鄙矣寧可以口吐之物敢養我乎  
廼拔劍擊殺之云同紀云時乞食物於大御食都姬  
神矣大御食都姬神自鼻口尻取出種種々味物而種  
々樂具而奉進之時素戔烏尊立伺其態為穢而奉  
進因殺其大御食都姬神云云

此事跡非兩般而為月讀尊之事者日本紀之說  
也為素戔烏尊之事者古事記之說也蓋可有两  
書一貫之與旨也猶日本武尊東征為夷賊欺日  
本紀為駿河古事記為相模而延喜式帳有駿河

此婆山之案別  
有傳授云亦  
然矣各書之異  
何與旨之有焉

國廬原郡久佐奈岐神社而今謂其地神原則日  
本紀為得實也雖然日本紀古事記共成于安麻  
呂之手則古事記非錯也作者不傳二書與旨各  
舉而為兩般之事乎

神代本紀云構幽宮於淡路之洲寂然長隱亦坐淡  
海多賀者矣

神代卷云構幽宮於淡路之洲寂然長隱者矣古  
事記云故其伊弉那岐大神者坐淡海之多賀云  
云延喜式帳曰淡路國津名郡伊弉奈岐神社名  
大按淡路津名郡者諾尊本都之地淡海多賀者



後世所鎮坐之地此書交舉兩地名者尤可疑也  
神祇本紀云伊弉册尊者葬於出雲國與伯耆國堺  
比婆之山也伊弉册尊者葬於紀伊國熊野之有馬村  
焉

神代卷云伊弉册尊生火神時被灼而神退去矣  
故葬於紀伊國熊野之有馬村焉土俗祭此神之  
魂者花時亦以花祭又用鼓吹幡旗歌舞而祭爰

云古事記云伊弉那美神者葬出雲國與伯耆國  
堺比波之山也云云延喜式帳之出雲國意宇郡  
熊野坐神社  
大名神

按比波山者册尊葬所之本地而古事記錄實也  
比波山下詳之有馬村紀伊新宮北可五十町其  
地今謂花窟如今熊野者非神代卷所謂有馬村  
如神代卷所錄者別有傳授譬如牛馬至皇代自  
外國來而古昔謂之耳獸事出萬葉集而二條良  
基記亦同說焉然神代卷有天班駒之類也其他  
此類不遑枚舉也作者不違事故舉兩般乎  
神代本紀云洗御鼻之時所成之神名建速素戔嗚尊  
坐出雲國熊野杵築神宮矣

延喜神名帳曰出雲國意宇郡熊野坐神社  
大名神



出雲郡杵築大社名神大文德實錄仁壽元年乙酉  
擢出雲國熊野杵築兩大神並加從三位按熊野  
者冊尊杵築者素尊各境各社炳然如此而作者  
混之為一可謂誤也古事記云伊弉那美神者葬  
出雲國與伯伎國境比波山同書云黃泉比良坂  
者今謂出雲國之伊賦夜坂也云云比波山屬意宇  
郡伯耆出雲東北意宇郡國東南中間有比波山  
世俗謂之多伊左牟自山山上社稱地藏權現一  
國之崇高而四時只六月朔得登嶺有房舍三十  
區神人兩家二國民更互供祭普圖家以冊尊為

地藏權現也出雲風土記熊野山郡家正南一十

八里

有檜檀也所謂熊野大神之社坐

此即比波山之謂也頃日

讀黑川氏雍州府志云清水樓門前有恭產寺先

明后祈安產設此院世稱子安塔云云仍思比波

山上亦有此坊号因以名山者而本冊尊神德乎

熊野亦當山地名和名鈔淡路鄉名有神稻久万志呂

熊野乃神野以冊尊陵在于此名其野乎紀伊國

熊野社乃移自此地者以大熊髮出為說者疑附

會耳杵築大社者在出雲郡夜句茂之神詠等皆

當郡事而神蹟著矣



天皇本紀云日本武尊平東夷還來未及薨於尾張國矣

日本紀云既而尊崩于能褒野于時年三十云云

古事記云衝御杖稍步故号其地謂杖衝坂也又云

自其幸行而到能煩野之時思國以歌云歌竟崩云云延喜諸

陵式云能褒野墓在伊勢國鈴鹿郡今石藥師驛

西一里半有陵享保中陵上建小祠古事記日本

紀共為此地而式文亦炳然尾張熱田者崩後移

所佩之劔祭其靈魂者而有白鳥陵亦後人所為

耳然則此書謂薨尾張者為難從矣卷五南一十

天皇本紀曰明年秋九月乙卯朔丙寅葬畝傍山東

北陵神武天皇子四處云同紀神濟名川耳天皇

謚曰綏靖天皇云々天孫本紀曰物部目連公繼體

天皇御世為大連奉齋神宮云々神皇本紀曰三日

手白香皇女繼體天皇云々

按釋日本紀曰私記云師說神武等謚者淡海御

船奉勅撰也續日本紀延曆四年七月庚戌淡海

御船死云々由之則謚者御船所製而御船生時

後于厨戶二百許年而所撰謚号在文中者齟齬

不待細評而明矣

賀我國



奉齋神宮

皇孫本紀曰物部多都彥連公此連公淡海朝御世  
為大連同紀曰麻侶馬古連公子此連公淨見原朝  
十七世孫物部連公  
細書二行  
御世天下萬姓改定八色云々

淡海朝者天智淨見原者天武皆推古以後也

國造紀曰和泉國造元河內國靈龜元年割置茅野

監云々同紀曰出羽國造諾羅朝御世和同五年割

陸奥越後二國始置此國也同紀曰難波御代隸越

前嶮城朝御世弘仁十四年割越前國分為加賀國同

紀曰丹波國造諸良朝御世和銅六年新割丹波國置

丹後國同紀曰栢原帝代改職為國

按靈龜者元正年号而推古後十代和銅者元明年号而推古後九代嶮城朝者推古以後十八代栢原者山城地名有平城帝陵故稱焉推古後十七代

以上所載如此則此書非厨戶之撰其証明白而七百年來博恰人不覺其非往往因循此書流錯於後世惟多田氏開卷看破其贗為杜撰可謂學家之一豪傑也今即其言訂其齟齬因勉讀之蓋又有異後世偽作者也其言天讓日天狹霧國讓月國狹霧尊并俱生耦生獨化之言文體簡古假



令其神名等無他證決非後世之作焉也多田氏亦曰此書俱生耦生雖不知出何書極有味矣且推古記曰孝經曰求之忠臣者在於孝子之門矣云々山崎敬義曰今孝經无此語蓋是漢書所引孝經緯之文也說見文集學令云孝經論語兼習之又曰孝經孔安國鄭玄註云々孝經上學尚矣觀采史載吾僧裔然携鄭註孝經往鄭註孝經彼國宋時既亡歟此書有此文亦古書之徵也又按大江匡房江次第卷六引舊事本紀曰云々匡房後三條帝御宇人距今六百七八十年長寬

寬勘文引此書者五長寬者二條帝年号距今五百六七十年釋日本紀引此書者數所至今五百年自是厥後源准后也藤大閣也著書徃々所引用况於近世之學者耶唯廣成古語拾遺大同三年獻之萬多姓氏錄弘仁六年成矣而此書所舉及弘仁十年故於二書不採此書也凡此書兼舉古事記日本紀似間效古語拾遺之文少由式帳之文然則弘仁以後延喜以前好事者所為也歟評說既成矣頃日讀釋日本紀見公望私記引此書第八卷述義章夫公望私記者朱雀帝養平六



年十二月八日博士從五位下行紀伊權介矢田  
部宿祢公望宜陽殿東廂所講之私記也朱雀御  
宇既近于古且講席者<sup>有</sup>嚴重之儀而賜竟宴故講  
師解說不可輕引雜史則此書也實公書然則區  
々所評說亦皆無用之辨歟而公望私記全世不  
知存不則無由質是非也翁學淺陋而無商量群  
書之才僅即見聞所及為此說耳

于時延享二年乙丑七月上浣真清田松雨翁書

舊事紀考評說附考

大神真潮著

世有舊事本紀者其序曰豐御食炊屋姬天皇敕殿  
戶皇子與蘇我馬子而所修撰也中世以來講古者  
採以並日本紀古事記雖見其有推古以後之事者  
亦以為惟其所後人補綴也未嘗致疑於全書也惟  
吾王父秦山君當元錄中講明國史視其書體混雜  
序文淺劣謂決非殿戶之撰也先子若齡稔聞其說  
及長讀之知其書綴輯日本紀古事記古語拾遺者  
也世亦頗有覺其贗者為之評說先子見其考案頗  
具矣而猶未究竟也乃以三書批校本書一夕符記



其傍而及初一卷之半疾起不果而沒矣爾來三十  
余年頃日得間繼其緒對籙一過得償先子之志而  
書其罅編盡見焉為其書也採三書者十之八其不  
見本據者大神尾張物部三氏之系譜國造本紀其  
他塵々散見耳夫十之八據三書作之則不見其本  
據者亦當有所本者也蓋偽撰此書也世已久則有  
若諸家之本系帳國造記者而據之乎雖然據三書  
者以作者之意左右出入者如彼則雖其他有本據  
者決裂混淆不成文者可知也而尋其歸則物部氏  
人奉仕石上神宮者為銜其祖先之所為而其初未

必意於為厨戶馬子之撰而書成之後以非有所託  
不行也因有日本紀中厨戶馬子撰國紀之事偽作  
序文歟不然則雖杜撰乎至舉馬子死後之事跡和  
銅弘仁之年號乎哉要之全書孟浪可採用者鮮矣  
今欲陳其偽妄尤易見者不欲奪先獲者之功乃撰  
評說中可採者而整理其文而補其不足以諗來者  
耳若其重複支離不為章讀者能知焉

本書序曰于時小治田豐浦宮御宇豐御食炊屋姬  
天皇云

按據例豐御食炊屋姬之尊號者崩後所奉之謚



欵夫當在位之日所奉之文中雖古時不可冒稱  
御名而况於謚號乎序文之膚淺評說如所論而  
是其可最指摘者也

本書十卷每卷別號其謂神代本紀陰陽本紀者乃  
本於日本紀神代七世之文陽神陰神之文則猶可  
言也在天謂神在地謂祇以日神之本紀為神祇者  
何謂也哉神代八神及日神等皆非天神耶何獨於  
忍穗耳哉以大己貴為地祇者可也以饒速日為天  
孫自瓊杵尊至葺不合尊為皇孫何所別焉天皇  
神皇帝皇同義同事而後名篇是皆庸妄之甚矣是

豈殿戶識稱淹通者之所為乎哉  
本書神代系紀者因有日本紀神代卷中獨化俱生  
耦生之說古事記別天神之文而推以配列諸神者  
耳作者所為全書中徃々然矣惟天讓日天八下等  
數天神不知何出也

本書曰先產生淡路州為胞意所不快故曰淡道州  
即謂吾耻也五字作次生伊豫二名州次生筑紫州次  
生壹岐州次生對馬州次生隱岐州次生佐渡州次  
生大日本豐秋津州因茲以上採以先所生謂大  
八州矣然後還坐之時生吉備兒島次生小豆島次



生大島次生姬島次生血鹿島次生兩兒島以上畧取古事  
記凡產生十四島其處々小島皆是水沫潮凝而成者  
也

案古事記云二神共所生嶋壹拾肆云云作者舉  
日本記八洲之名復舉足古事記所出之嶋名以  
合十四島之數者不知何之用也

本書繼上文云先生大八州六字作兄者所加生淡路州謂  
淡道之穗之狹別次伊豫二名島謂此島者身一而  
有面四每面有名伊豫國謂愛上比賣西南讚岐國  
謂飯依比古西北阿波國謂大宜都比賣東北土左

國謂速依別東南次隱岐之三子島謂天之忍許呂

別次筑紫島謂身一而有面四每面有名筑紫國謂

白日別豐國謂豐日別肥國謂速日別日向國謂豐

久士比泥別次能襲國謂建日別一云佐渡島次伊岐島

鳴謂天比登都柱次津島謂天之狹手依比賣次大

倭豐秋津島謂天御虛空豐秋津根別次生六小島

兄次以下作吉備兒島謂建日方別次小豆島謂大

野手上所加比賣次大島謂大多麻上流別次女島謂天

之一根次血鹿島謂天之忍男次兩兒島謂天兩屋

惣產生大八州次六小島合十四箇島云云



案此一節採古事記之文增減字句者而先生大  
八州兄之六字殊不成文理也且古事記生津島  
謂天之狹手依比賣之下有次生佐度島之五字  
而際之以熊襲國為一島以列大八州之數熊襲  
豈可為一島哉且吉備兎島以下已畧取於上文  
而至此吉備兎島之上加次生六小島兄之六字而  
再舉產生島數煩雜無倫次甚矣又按上文採日  
本紀故用大日本字此段採古事記故用大倭字  
據二書者章々矣  
同紀曰所成之神名曰天尾羽張神亦名稜威雄走神亦云甕速日

神亦燐速日神  
亦曰捷速日神

今坐天安河上天窟之神

按建甕槌神之系日本紀古事記共出兩所而前  
後不同此書兼採兩書推定為別名也凡言今者  
指見在也乃下所謂今坐常陸國鹿島今坐下總  
國香取之類也此所書乃取古事記坐天安河河  
上之天石室名伊都之尾羽張神之文以擬鎮坐  
之地者耳天安河者天上之河名有何方所之  
可指耶杜撰甚矣

兎建甕槌之男神亦名建布都神  
亦名豐布都神



今坐常陸國鹿島大神即石上布都大神是也

本書亦名採古事記也古事記曰故汝建御雷神

可降余答曰僕雖不降專有平其國之橫力可降

是月此刀名云左士布都神亦名云甕布都神亦名布

都御魂此刀者坐石上神宮也云々其號佐士布

都甕布都豐布都者以刀名為神名乎以神名馬

刀名乎蓋一而二二而一耳石上納此刀則祭此

神者為無論而此明鎮坐地者古語拾遺云仍遣

經津主神注云是磐箇女神之子武甕槌神注云是

日神之今常陸國香取神是也武甕槌神注云是

國鹿島神是也作者取此注而加即石上布都

大神之七字者也書中揭示石上神宮之端初于

此

同紀曰以千人所引磐石寒其坂路日本紀其石置

中古事記相對而立遂建絕妻之誓日本渡其事尸之時

云古事記

按日本紀注云絕妻之誓此云許等度絕妻之誓

事戶同語而書法不同者剽竊二書之著者也

同紀曰陽神為禊泉穢到日向橋之小門檉原而禊

禊御身時所成神十二柱故於投棄御杖所成神名

衝立船戶神次於投棄御帶所成神名道長乳齒神



次於投棄御裳所成神名時置師神次於投棄御衣  
所成神名和豆良比能宇斯能神次於投棄御禪所  
成神名道股神次於投棄御冠所成神名飽咋之宇  
斯能神次於投棄左御手之纏所成神名與疎神號  
曰二字作者所加奧津那藝佐彥神次奧津甲斐辨  
羅神次於投棄右御手之纏所成神名邊疎神號曰  
同上邊津那藝佐彥神次邊津甲斐辨羅神云  
按古事記云右件自船戶神以下邊津甲斐弁羅  
神以前十二神者因脫著身之物所生神也此書  
以古事記書之而少加作意也其謂所成神十二

柱者亦因古事記十二神之數也而以奧津那藝  
佐彥邊津那藝佐彥為奧疎神邊疎神之別號然  
則所成神十柱耳剽竊之疎漏可見也日大直日  
潛滌之時所成之神二柱神名八十禍津日神次大  
禍津日神復為直其禍而所成神三柱神名神直日  
神次大直日神次伊豆能賣神復入水吹生磐土命  
次出水吹生大直日命復入吹生底土命次出吹生  
大綾津日神復入吹生亦土命次出吹生大地海原  
之諸神矣復沉澆於海底時因以生二神号曰底津  
少童命次底筒男命復潛濯於潮中時因以生二神



号曰中津少童命次中筒男命復浮濯於潮上時因以生二神号曰表津少童命次表筒男命凡有六神矣

按此牽合古事記與日本紀一書之兩說也故上謂次大直日神而又謂吹生大直日命不覺其重出也且本文所舉九十六神而謂凡有六神者改日本紀有九神之文而指阿曇連津守連所齋之六神也其所以為改者八十枉日神直日大直日三神既以因古事記列上也亂雜不成章甚矣哉神祇本紀云復鏡作祖石凝姥命為治工則採天八

湍河之川上天堅石復全剝真名鹿皮以作天之羽

合意延佳改正

鞞矣復採天金山之銅令鑄造日矛此鏡少不全則

紀伊國所坐日前神是也復使鏡作祖天糠戶神即石凝姥

命之子也採天香山之銅使圖造日像之鏡云云

按本書剽竊日本紀之諸說古事記古語拾遺者也而日本紀云鏡作遠祖天坂戶兒已凝戶邊云云古語拾遺亦石凝姥神之下注云天糠戶命之子鏡作遠祖也而此註曰即石凝姥命之子也蓋前既出石凝姥後出糠戶故強以父為子者前後是類不少也



復令手置帆負彥狹知二神以天御量謂大小量雜  
器類名復伐大峽小峽之材而造瑞殿古語美豆乃

按古語拾遺云令手置帆負彥狹知二神以天御

量大小斤雜器伐大峽小峽之材而造瑞殿古語美豆

能美阿良可本書此前後文取日本紀古語拾遺而大

小量遺作斤拾雜器類名之七字古語拾遺之注

文耳而作者加謂字以連本文又加復字以伐大

峽小峽之材為別事則以天御量謂大小量雜器

類名之十二字無着落不成文理也且本書古語

美豆能美阿良可之註者古語拾遺之注而全舉

之也此前後所註皆然矣嘗殿戶之時而有古語

拾遺乎哉

天兜屋命天太玉命以日御綱繩繩字作者廻懸其

御後以上古語拾遺而界以端出之左繩矣日本

按古語拾遺日御綱之下註云今斯利久迷繩是

日影之像也田之則日御綱端出之左繩言異而

物同也作者鹵莽採二書不覺重複者往往是也

天神本紀曰誕生天照國照彥天火明櫛玉饒速日

尊之時正哉吾勝勝速日天押穗耳尊奏曰僕欲將

降裝束之間僕以下古事所生之兒以此可降矣詔



而許之  
同紀曰正哉吾勝勝速日天押穗耳尊以高產靈尊  
女栲幡千千姬萬幡姬命為妃居於虛天而生兜号  
天津彦々火瓊々杵尊因欲以此皇孫代親而降矣  
天照太神詔任白可降矣

日本紀一書云且將降間皇孫已生号曰天津彦  
々火瓊々杵尊時有奏曰欲以此皇孫代降故天  
天照太神乃賜云云同一書云則高產靈尊之女号  
萬幡姬配天忍穗耳尊為妃降之故時居於虛天  
而生兜号天津彦々火瓊々杵尊因欲以此皇孫

代親而降云云古事記云介其太子正勝吾勝々  
速日天忍穗耳命吞白樸者將降裝束之間子生  
出名天迹岐志國迹岐志天津日高日子番能迹  
々藝命此子應降也云云以上之文共代父尊降  
臨者瓊々杵尊也日本紀古事記不舉饒速日尊  
之事跡則其天降與瓊々杵尊之前後不可知也  
若此書者饒速日尊瓊々杵尊為共代父尊而降  
也雖然本書瓊々杵尊臨幸之事以日本紀書之  
此段僕欲將降裝束之間七字採古事記者章々  
矣則此一節作者造言可知也



同紀高皇產靈尊勅曰若有葦原中國之敵拒神人而待戰者能為方便誘欺防拒而令治平令三十二人並為防衛天降供奉矣

天香語山命尾張連等祖天鈿賣命猿女君等祖天太玉命忌部首等祖天兜屋命中臣連等祖天櫛玉命鴨縣主等祖天道根命川瀨造等祖天神玉命三島縣主等祖天樵野命中跡直等祖天糠戶命鏡作連等祖天明玉命玉作連等祖天牟良雲命度會神主等祖天神立命山背久我直等祖天御陰命凡河內直等祖天造日女命阿曇連祖天世牟命久我直

○天八坂彦命  
伊勢神麻統  
連等祖

等祖天斗麻彌命額田部湯坐連等祖天背男命尾張中島海部直等祖天王櫛彦命間人連等祖天湯津彦命安藝國造等祖天神魂命葛野鴨縣主等祖天三降命豐國宇佐國造等祖天日神命對馬縣主等祖天乳速日命廣瀨神麻績<sup>連</sup>等祖天伊佐布魂命倭文連等祖天伊岐志途保命山代國造等祖天活玉命新田部直等祖天少彦根命鳥取連等祖天事湯彦命取尾連等祖天表春命<sup>八意思兼神</sup>信乃阿智祝部等祖天下春命<sup>八意思兼神</sup>武藏秩父國造等祖天月神命壹岐縣主等祖



富

副五部人為從天降供奉物部造等祖天津麻良笠  
縫部等祖天曾蘇為奈部等祖天津赤占十市部首  
等祖富<sup>+</sup>侶筑紫弦田物部等祖天津赤星  
五部造為伴領率天物部天降供奉二田造大庭造  
舍人造勇蘓造坂戶造

天物部等二十五部人同帶兵伏天降供奉二田物  
部當麻物部芥田物部鳥見物部橫田物部鳥戶物部  
浮田物部巷宜物部足田物部酒人物部田尻物部  
赤間物部久米物部狹竹物部大豆物部肩野物部  
羽束物部尋津物部布都留物部住跡物部讚岐三

野物部相槻物部筑紫聞物部播磨物部筑紫費田物  
部

船長同共率領梶取等天降供奉船長跡部首等祖  
天津羽原梶取阿刀造等祖天麻良船子倭鍛師等  
祖天津真浦笠縫等祖天津麻占曾曾笠縫等祖天  
都赤麻良為奈部等祖天都赤星

饒速日尊稟天神御祖詔乘天磐船而天降坐於河  
內國河上哮峯則遷坐於大倭國<sup>鳥</sup>見白庭山

按以上諸書無所見以姓氏錄為原造坂戶物部  
二田物部竝神饒速日命天降時之從者<sup>云</sup>考之



蓋物部氏家傳粗有此事跡而作者張大之欵鉅  
賣命太玉命兎屋命糠戶命日本紀古事記此書  
共從瓊々杵尊臨降神而在三十二人防衛中者  
可疑也其或四神初先從饒速日尊下大和國饒  
速日尊神去之後歸天再從瓊々杵尊欵雖然全  
書中移彼置此取此接彼者比々然則此所書為  
難信且其謂令三十二人為防衛又謂五部為從  
又謂五部造為伴領率天物部又謂二十五部人  
同帶兵仗又謂船長同共率領梶取等頭緒多端  
無倫次而二田物部天津麻良天津亦星茲再出

天津真浦天津麻占並出且日本紀綏靖卷云倭  
鍛部天津真浦造真麿鏃蓋亦掇拾散見者具數  
者耳作者所為全書中徃々然矣  
同紀自饒速日尊便娶長髓彥妹御炊屋姬為妃令  
姪胎矣未及產時饒速日尊既神殞去坐矣而不復  
上天之時高皇產靈尊詔速飄神曰吾神御子饒速  
日尊所使於葦原中國而有疑思耶故汝能降可復  
白矣于時速飄神命奉勅降來即見神殞去坐矣則  
及上復命云神御子者既神殞去亡坐矣高皇產靈  
尊以為哀泣則使速飄命將上於天上處其神屍骸



日七夜七以為遊樂哀泣歛於天上矣

按此一節諸書無所見然使速飄命將上於天上

日七夜七以為遊樂云云似摸天雅彥死之文蓋

粗有此事跡而附會為文歟

同紀中上謂取懸手足下謂攀牽衣帶上謂造八重

蒼紫籬陷舩柁下謂而天之逆手打而青柴垣打成

隱者採二書致重複之尤易見者也

地神本紀云遂以埴土作舩乘之東渡到于出雲國

歎之河上與安藝國可愛之川上所在鳥上峯矣素

戔鳥尊到於出雲國歎之河上名鳥髮地之時云云

按以素尊所到為安藝國者神代紀一書之異說

耳作者於歎之河上之下加與字若鳥上峯在

兩國之境者也安藝出雲不接境地則杜撰甚矣

且連下素戔鳴尊以下探古事記故事重複而鳥

上鳥髮異書法

同紀云其斬蛇之劍今則在吉備神部許之下云到出

雲歎之河上是也

日本紀

按到出雲歎之河上是也之上日本紀有闕文而

此書襲之耳

同紀云大己貴神兄事八十神也夫所以奉避此國於



大己貴神者兄弟二神云文長

按此一節至宇那賀氣理氏至今鎮坐此謂神語矣抄出古事記加添削也而古事記所謂八十神者謂大己貴命兄弟衆多有八十神也作者加事字為一神之号而下依古事記之舊文故云痛苦泣々伏矣其最後來大穴牟遲神云云又云因斯事八十神急欲殺大己貴神共議而云云又云亦猶在山故吾共追下者云云其謂最後謂共議謂吾共追下者可視也鄙語所謂隱頭而不隱尾者作

同紀素戔鳴尊兎孫之系作者以其意摺擴散見者也於其舉事八十神可見也但自三世孫天日方命下至田々彥命有大神氏本系帳而據之乎其自大牟神下至久々紀若室葛根神者直抄出古事記耳天孫本紀云天照國照彥天火明櫛玉饒速日尊亦名天火明命亦名天照國照彥天火明命亦名饒速日命亦名膽杵磯丹杵穗

天照靈貴大子正哉吾勝勝速日天押穗耳尊高皇產靈尊女萬幡豐秋津師姬栲幡千千姬命為妃誕生天照國照彥天火明櫛玉饒速日尊矣天照太神



高皇產靈尊相共所生故謂天孫亦稱皇孫矣

按亦名膳杵磯丹杵穗命他無所見天照靈貴是亦他無所見疑作者私言耳古語拾遺云吾勝尊納高皇產靈神之女栲幡千千姬命生天津彦尊号曰皇孫命註曰天照太神高皇產靈神二神之孫故稱皇孫蓋作者據此註而造語如此如二尊為

夫婦者其豈厨戶之撰而有此哉

天孫本紀云

饒速日尊便娶長髓彥妹御炊屋姬為妃誕生宇摩

志麻治命矣日本紀先經妊身而未產之時饒速日尊

命婦女云汝有妊胎若有男子者号味間見命若有

女子者号色麻弥命既而所產男子矣因号味間見

命矣先以下他無所見饒速日尊既神殞去坐矣而

不復上天之時云既出天神饒速日尊以夢教於

妻御炊屋姬云汝子如吾形見物即授天璽瑞寶矣

亦天羽々弓天羽々矢復神衣帶手貫三物葬歛於

登美白庭邑以此為墓者也以上他無所見蓋物部

此事跡也

兜天香語山命天降名手栗彥命亦名高倉下命

此命隨御祖天孫尊自天降坐於紀伊國熊野邑之

時天孫天饒石國饒石天津彦々火瓊々杵尊孫磐



余考尊發自西宮親帥船軍東征之時往々逆命者  
蜂起未伏中州豪雄長髓彦勒兵相距天孫連戰不  
能戡也前到於紀伊國熊野邑惡神 人物咸瘁  
天孫患之不知出計爰高倉下命在此邑中夜夢天照  
大神謂武甕槌神曰葦原瑞穗國猶聞喧擾之響宜  
汝更往而征之武甕槌神對曰雖予不行而下吾平  
國彼時劔則自將平矣乃謂高倉下命曰予劔師靈  
今當置汝庫裏宜取而獻於天孫矣高倉下命稱唯  
唯寤而明且開庫視之果有劔倒立於倉底因取而  
獻焉天孫適寢忽然曰予何長眠在此乎尋而中毒

士卒悉復醒起矣皇師趣中州天孫得劔日增威稜  
勅高倉下褒為侍臣也

按此一節可疑也日本紀云時彼處有人号曰熊  
野高倉下云古事記亦曰此時熊野之高倉下  
此者人名云々以之視之高倉下者從來熊野之  
地神耳夫日本紀古事記於顯貴神必為其遠祖  
為其子表其門閥若高倉下實饒速日尊之子者  
豈不言尾張連遠祖也作者以高倉下附會香語  
山命為布都靈劔香語山命取以奉天孫天孫以  
賜宇麻志麻治命者暗伏物部氏於布都靈劔緣



由久欵

按自天香山命異妹穗屋姬命為妻下至十八世尾治牧夫連疑據尾張氏之本系帳者而間加日本紀等尾治氏為皇室之外戚之事表顯貴下為物部氏之比例也

弟宇麻志麻治命

亦云味間見命亦云可美真手命

天孫天津彥火瓊杵尊孫磐余彥尊欲馭天下興師東征往々逆命者蜂起未伏中州豪雄長髓彥本推饒速日尊兜宇摩志麻治命為君奉焉至此乃曰大神之子豈有兩種乎天神以下日本紀吾不知有他遂勒

兵距之天孫軍連戰不能戡也

本紀

于時宇摩志

麻治命不從舅謀誅殺倭戾帥衆歸順之時天孫詔宇摩志麻治命曰長髓彥為性狂迷兵勢猛銳至於敵戰誰敢堪勝而不據舅計帥軍歸順遂欵官軍朕嘉其忠節特加褒寵授以神劔答其大勲凡厥神劔飾靈劔刀亦名布都主神魂刀亦云佐士布都亦云建布都亦云豐布都神是矣復宇摩志麻治命以天神御祖授饒速日尊天璽瑞寶十種而奉獻於天孫天孫大喜特增寵異矣復宇摩志麻治命率天物部而翦夷荒逆亦帥軍平定海內而奏也

復宇摩志以下三十三字



無所見 天孫磐余考尊詔命有司始經帝宅大歲辛酉  
正月庚辰朔天孫磐余考尊都樞原宮初即皇位号  
曰元年尊皇妃姬蹈鞞五十鈴姬命立為皇后即太三  
輪神女也以上日本紀宇摩志麻治命先獻天瑞寶  
亦豎神楯以齋矣謂五十櫛亦云今本刺繞於布都  
主劔大神奉齋殿內即藏天璽瑞寶以為天皇鎮祭  
之時天皇寵異特甚詔曰近宿殿內矣因號足尾其  
足尾之號自此而始矣高皇產靈尊以上八十六字  
天富命率諸齋部擊天璽鏡劔奉安正殿以上古矣  
天兒屋命兒天種子命奏神代古事天神壽詞也不知

出處宇摩志麻治命古語拾遺作率內物部乃豎矛楯  
嚴增威儀道臣命帥來目部帶仗掌其閑闕衛護宮  
門矣竝使四方之國以觀天位之貴以上古語拾遺  
亦俾率土之民以示朝廷之重者也于時皇子大夫  
率臣連伴造國造而賀正朝拜矣凡厥建都即位踐  
祚賀正如是之儀竝始此時也宇摩志麻治命十一  
月丙子朔庚寅初齋瑞寶奉為帝后鎮祭御魂祈請  
壽祚其鎮魂之祭自此而始矣詔宇摩志麻治命曰  
汝先考饒速日尊自天受來天璽瑞寶以此為鎮每  
年仲冬中寅為例有司行事永為鎮祭矣所謂御鎮



祭是也凡厥鎮祭之日猿女君等主其神樂舉其言  
大謂一二三四五六七八九十而神樂歌舞尤緣瑞  
寶蓋謂斯欵以上此書外無所見二年春二月甲辰朔乙巳天  
皇定功行賞日本紀宇摩志麻治命曰汝之勲功矣  
念惟大功也公之忠節焉思惟至忠矣是以先授神  
靈之劔崇報不世之勲今配股肱之職永傳不貳之  
美自今已後生々世々子々孫々八十聯綿必胤此  
職永為龜鏡矣此日物部連等祖宇摩志麻治命與  
大神君祖天日方奇日方命並拜為申食國政大夫  
也其天日方奇日方命者皇后之兄也但申食國政

大夫者今之大連大臣是矣凡厥奉齋瑞寶而祈鎮  
壽祚兼崇靈劔而治護國家如此之事裔孫相承奉  
齋大神具件如左以上此書外無所見  
按天孫瓊宇麻志麻治命之功賜布都靈劔並宇  
麻志麻治命獻天孫以天祖所授十種瑞寶共藏  
殿內為天皇鎮祭者書中言之一而不足至再三  
言之不錯而日本紀古事記古語拾遺無一及此  
者何哉其豈殿戶之所撰獨有焉而三書殘之耶  
是亦非殿戶之撰一證而此事也絕無之事出作  
者之偽妄者無疑欵日本紀垂仁紀云



三十九年十月五十瓊敷命居於茅渚菟砥川上  
宮作劔一千口因名其劔謂川上部亦曰名裸伴藏  
于石上神宮也是後命五十瓊敷命俾主石上神  
宮之神寶一云五十瓊敷皇子居于茅渚菟砥河  
上而喚鍛名河上作太刀一千口是時禰部倭文  
部神弓削部神矢作部大穴磯部泊檣部玉作部  
神刑部日置部大刀佩部并十箇品部賜五十瓊敷  
皇子其一千口大刀者藏于忍坂邑然後從忍坂移  
之藏于石上神宮是時神乞之言春日臣族名市  
大河令治因以命市河令治是今物部首之始祖也

八十七年春二月丁亥朔辛卯五十瓊敷命謂妹  
大中姬曰我老也不能掌神寶自今以後必汝主  
焉大中姬命辭曰吾手弱女人也何能登天神庫  
耶神庫此云保玖羅五十瓊敷命曰神庫雖高我能為神  
庫造梯豈煩登庫乎故諺曰神之神庫隨樹梯之  
此其緣也然遂大中姬命授物部十千根大連而  
令治故物部連等至于今治石上神寶是其緣也本  
十市根命下採此  
本文而頗易字句  
由以上文觀之物部氏治石上神寶始于十市根  
大連而垂仁以後之後非於部靈劔有由緒而治



之者可視也蓋上古世祭政一致神物官物不分別  
故石上神宮者則後世所謂寶庫耳故飾靈劔而  
納焉斷蛇之劍而納焉川上部太刀而納焉至牟  
志那腹中之玉亦納焉諸家寶物亦納焉而飾靈  
劔尤尊故祭之而号布留神社者蓋布都之轉語  
耳然作為十種神寶之事而附會鎮魂祭設由良  
乃止布瑠部之言以為布瑠之言本其鎮魂祭  
何矣所謂十種神寶者耶日本紀曰猿女君遠祖  
天鈿女命則手持茅纏之稍立於天石窟戶之前巧  
作俳優亦以天香山之真坂樹為髮以蘿為手纏

而火處燒覆槽置頭神明之憑談云云古事記云  
天宇受賣命羊次繫天香山之天之日影而為髮天  
之真拆而手草結天香山之小竹葉而於天之石  
屋戶伏汗氣而蹈登杵呂許志為神懸云云古語  
拾遺云今天鈿女命以真辟葛為髮以蘿葛為手  
纏以竹葉飲憇木葉為手草手持着鐸之矛而於  
石窟戶前覆誓糟舉庭燎巧作俳優相與歌舞云  
云未曰凡鎮魂之儀者天鈿女命之遺跡然則御巫  
之職應任舊氏而今所選不論他氏所遺九也云

云



貞觀儀式鎮魂祭儀云酉二點大臣以下就西舍  
座神祇伯以下率琴師御巫神部卜部等着榛摺  
衣令侍供物左右相分入立庭中神部并自東階  
置神寶於堂上中次大膳職造酒司供八代物縫  
殿寮率猿女并自東側階就座次內侍令贖御衣  
匣自大內退外自東階就坐中琴師彈弦與神部  
共歌二成吹雅樂歌人同音歌二成神部一人候  
拍手御巫始舞每舞巫部譽舞三廻譽云門大藏  
錄以安藝木綿二枚實於宮中進置伯前御巫覆  
宇氣槽立其上以杵撞槽每一度畢伯結木綿浪

訖御巫舞訖次諸御巫猿女舞畢云云  
江次第鎮魂祭云上東間立梯棚置祭物又倚付  
鈴賢木其西安木槽覆置中次神祇雅樂神樂次  
御巫衝宇氣神代上卷中船下口力不義  
也以賢木衝艘上也結系自一至十字麻志治  
命十種寶振之返死之緣也用糸自一至十計之  
也次神祇一人進結系於葛苜自一至十此間女官藏  
人開御衣管振動畢祇官着座下  
夫鎮魂祭古語拾遺正言之鈿女命之遺跡而為  
其儀覆宇氣槽立其上以杵撞槽猿女為舞用付  
鈴賢木等事合上所舉鈿女命磐戶前作俳優之



故事而未有可擬於所謂十種神寶之事只有謂  
神部升自東階置神寶於堂上謂自一至十計之  
開御衣管振動等之事耳是所以偽作十種神寶  
之據乎而亦何足為據哉而江次第既註為神遊  
義也又謂結系自一至十字麻志麻治命十種寶  
振之返死之緣也一事而為兩說者匡房卿亦迷  
此書之故也自是厥後若源准后藤太閤之博恰  
尚信之而不疑令神代殊勝之故實為誕妄穢祥  
之事嗟乎邪說惑人也久矣哉又按十種之所名  
瀛津鏡邊津鏡者採於日矛持渡物八握劔出日

本紀生玉足玉者採於生產魂是產魂之神号死  
反道反王者採於道反大神蛇比禮蜂比禮品物  
比禮者採古事記所出欵夫神代之古鈿女命崖  
戶前之神事招没日而反中天則固有轉死而為  
生之義而其裔孫相承以其嘉縱祈禱世々天皇聖  
壽者理當然而經世之久上遺其故下行其私異  
端洎真令鈿女命之遺跡為宇麻志麻治命之故  
事他氏奪其祭猿女君衰絕矣惟不此而已藤氏  
握朝綱而廟堂之上神代之舊臣拂地中臣為獨  
步而神祇之祭忌部絕跡渡會設邪說而宇廟有



真假卜部作詐謀神道決裂焉皇家從而衰天下  
之權移矣可勝嘆乎哉

兕宇摩志麻治命

此命權原宮御宇天皇十世御世元為足居次為申食  
國政太夫奉齋大神云

按自是下至十七世孫物部連公麻侶世系從々  
徵諸古書可信也蓋亦有物部氏之本系帳而據  
之乎只其若謂權原宮御宇天皇御世元為足居  
次為申食國政太夫者作者之妄作耳夫寵異之  
而近宿殿內足居之号自是起者有焉豈當其世

直以之為官耶况申食國政太夫者史指執政之  
臣稱之者耳權原御宇實非有此官名也且若大  
臣之号據日本紀昉于武內宿禰則此下所言不  
足信也此下三見宿禰命之下註云元為足居次  
此為宿禰其宿禰者始起此時也夫足居宿禰徒假  
字異而已而為自足居之官轉宿禰之官者可笑  
也且夫自足居之号起于宇麻志麻治命宿禰大  
臣大臣大連之官皆自物部氏而起者豈有此理  
乎哉蓋作者見系一上有某足居其宿禰某大臣  
某大臣某連公等名則妄於其下為當其世而任



其官又每帝紀必揭物部氏補任而相應於此系譜且每世必揭祭神宮之事夫自神代以來功臣世家亦衆矣祭其神者亦衆矣何獨於物部氏哉是皆有所為而為之者可見也

弟伊香色雄命

此命春日宮御宇天皇御世以為大臣磯城瑞籬宮御宇天皇御世詔大臣為班神物定天社國社以物部八十手所作祭神物之為班以下日本紀以下之時遷建布都大神社於大倭國山邊郡石上邑則天祖授饒速日尊自天受來天璽瑞寶同藏齋号曰石上大神以為國

家亦為氏神崇祠為鎮則皇后大臣奉齋神宮

按此上宇摩志麻治命紀此下天皇本紀共云今木刺繞於布都主劔大神奉齋殿內藏天璽瑞寶以為天皇鎮祭云々而此云遷建布都社大倭山邊郡石上邑者乃謂遷自殿內而其言不瑩欵抑又布都神社自有其地而遷之乎宗神之朝祭八十萬群神如彼則當其時遷布都神社者蓋亦有焉日本紀神代卷一書曰斷蛇劔号曰蛇之麤正此今在石上也又一書曰其素戔鳴尊斷蛇之劔在吉備神部許也延喜式云備前國赤坂郡石上



布都之魂神社由之則石上本吉備之地名而神  
代卷一書為在石上一書為在神部許者共謂在  
備前國石上神部許而後未以其神社遷于大和  
國山邊郡因以号其地為石上乎雖然是臆說耳  
要之物部氏治石上神寶始于垂仁之朝日本紀  
彰乎則遷布都神社皇后大臣奉齋云々惣屬  
虛妄乎

### 第十市根命

此命纏向珠城宮御宇天皇御世賜物部連公姓元  
為五大夫一次為大連奉齋神宮此以上書勅物部十市

根大連曰屢遣使者於出雲國雖檢校其國神財而  
無分明奏言者汝親行于出雲國宜檢校定則十市  
根大連按定神財分明奏言矣仍令掌神寶者同天  
皇御世五十瓊敷入彥皇子命於河內國幸乃河上  
日本紀作茅宮作太刀千口名曰赤花之伴亦云裸  
淳菟砥河上伴劍今藏在石上神寶此後詔皇子命俾主石上神  
寶矣同天皇御世即經八十七年五十瓊敷入彥皇子  
命謂妹大中姬命曰我老也不能掌神財自今已後  
必汝主焉大中姬命辭曰吾手弱女人也何能登天  
神庫耶五十瓊敷入彥皇子命曰神庫雖高我能為神



庫造梯豈煩登庫乎故諺曰天之神庫隨樹梯之緣也然大中姬命遂授物部十市根大連而令治石上神寶蓋是其緣也

以上採垂仁卷字句稍有增減

按垂仁卷云二十五年春二月丁巳朔甲子詔阿倍臣遠祖武渟川別和珥臣遠祖彥國葺中臣連遠祖大鹿嶋物部連遠祖十市根大伴連遠祖武日五大夫曰云云本書謂元為五大夫一者因此文也夫垂仁之朝官何具五大夫之數焉紀所謂五大夫者謂偶詔五臣耳作者按推每々如此且授物部十市根大連而令治石上神寶之下日本紀

有故物部連等至于今治石上神寶之十三字而除之而加蓋字令其緣也者不知何緣者諱物部氏治石上神寶始于此時之所為可見也

妹物部鎌足姬大刀自連公

此連公小治田豐浦宮御宇天皇御世為參政奉齋神宮宗我島大臣為妻生豐浦大臣名曰入鹿連公按推古之朝何有參政之官耶日本紀曰時人相謂曰蘇我大臣之妻是物部室屋大連之妹也大臣妄用妻計而殺大連矣云云與此異也宗我島大臣云々馬子所撰而書自己之事豈如此乎哉



本書神武天皇紀別年号皇孫本紀半為天皇本  
紀而皇孫本紀全舉日本紀而少換字句天皇本  
紀以日本紀古語拾遺書之而間添宇麻志麻治  
命之事亦皆重出耳故其可辨者上既盡矣  
綏靖紀三年春正月宇麻志麻治命之子彥湯支命  
為申食國政大夫也  
安寧紀四年夏四月以出雲色命為申食國政大夫  
也復以大祚命為侍臣竝宇麻志麻治命之孫也  
孝照紀諱觀松彥香殖稻尊者磯城津彥玉手看天  
皇太子云々

按磯城津彥玉手看當作大日本彥耜友也  
秋七月都逸腋上謂池心宮宇摩志麻治命後出石  
心命為大臣也  
三十一年春正月瀛津世襲命為大臣  
孝安紀三年八月宇摩志麻治命裔孫六見命三見  
命竝為足后次為宿禰  
孝靈紀上妃絙某弟誕生三皇子見彥狹島命次稚  
武彥命次弟稚武彥命

按日本紀云亦妃絙某弟生彥狹島命無稚武彥  
命弟稚武彥命是吉備臣之始祖也云々作者誤



讀以弟稚武彥命為一人之名列兄弟之數為誕  
生三皇子作者按推每每如此

三年春正月宇摩志麻治命裔孫大水口命大矢口  
命竝為宿禰

孝元紀元年丁亥春正月皇太子尊即天皇位尊皇  
后為皇太后

八年春正月物部連公祖宇摩志麻治命裔孫鬱邑  
雄命為大臣亦太綜杵命為大祚

二月尊皇后曰皇太后皇太后追贈太皇太后

按元年既尊皇后為皇太后至于此復有此舉何

哉蓋作者繆妄耳日本紀綏靖紀云元年春正月

壬申朔己卯神渟名川尊即天皇位都葛城是謂

高丘宮尊皇后曰皇太后云云自是後往往記之

而無追尊皇太后為太皇太后之文而此書始於

此往往書追崇典夫先朝后稱之為太后者固自

然之稱而其備儀物冊正稱謂者在西土蓋昉于

周世乎綏靖御宇去神代不遠孝元御宇去綏靖

不遠而崇奉之典准擬於西土者日本紀既疑虛

饒也而况於追贈之典乎

開化紀母曰皇后鬱邑謎命物部連公祖出石心命孫也



按日本紀鬱色謎命下作穗積臣遠祖鬱色雄命之妹也

八年春正月以大祚大綜杵命為大臣武建命大峯命竝為大祚二月伊香色雄命為大臣竝物部連公遠祖宇摩志麻治命抄

按自是上舉物部氏補任而必稱宇摩志麻治命者私於一氏之所為可見也

崇神紀

四年春二月甲子朔丁卯建膽心命為大祚多辨命為宿祢安毛建美命為待臣竝物部連公祖也  
六十五年春正月武諸隅命為大連物部氏祖

垂仁紀二十三年秋八月丙申朔乙亥大新河命為大臣十市根命為五大夫一竝宇摩志麻治命裔孫也丁巳大臣大新河命賜物部連公姓即改大臣号大連

八十一年春二月壬辰朔五大夫一十市根命賜姓物部連公即為大連

按上謂賜物部連公姓即改大臣号大連此謂賜姓物部連公即為大連者作者妄繆可笑也夫賜姓者子孫相承有官位者皆得稱之若此謂則賜朝臣姓者乃皆為大臣賜連姓者乃皆為大連歟



予故曰見有某是居某宿祢某大臣某連公等名  
則妄為任其官者觀之可知也

景行紀三十六年八月大臣物部麿昨宿祢女五十  
琴姬命為妃生五十功考命

成務紀元年歲次辛未云：尊皇后曰皇太后尊皇  
太后追賜太皇太后物部麿昨宿祢為大臣也

仲哀紀

九年春二月癸卯朔下未云：于時皇后大臣匿天  
皇之喪不令知天下則皇后詔大臣及中臣烏賊津  
連大三輪太友主君物部麿昨連大伴武以連物部

多遲麻連

日本紀無物部多遲麻連

曰今天下未知天皇之崩若

百姓知之有懈怠者乎則命曰日本紀作四大夫領百寮

令守宮中

云

此一節以日本紀書之而武以連下加物部多遲

麻連為五人故改命四大夫之四字為曰字者作  
者私意可見也

神后紀大歲辛巳改為攝政元年物部多遲麻連公  
為大連三年春正月丙戌朔戊子云々物部五十琴  
宿祢為大連

應神紀四十年春正月辛丑朔云々以大鷦鷯尊為



太子輔之令知國事矣以物部印葉連公為大臣  
仁德紀八十二年春二月乙巳朔詔侍臣物部大別  
連公曰皇后久經數年不生皇子以介大別定皇子代  
后號為氏以為氏造改賜矢田部連公姓  
履中紀元年物部伊呂弗連為大連  
允恭紀二十三年春云以物部麥入宿祢物部大  
前宿祢茲為大連  
安康紀己巳朔云尊皇后曰皇太后追皇太后贈  
太皇太后以物部木蓮子連公為大連  
雄略紀平群真鳥臣為大臣以大伴連守屋物部連

目為大連日本紀

二十二年春正月云物部布都久留連公為大連  
顯宗紀元年云物部小前宿祢為大連  
武烈紀物部麻佐良連公為大連  
欽明紀十二月庚辰朔甲申皇太子即天皇位尊皇  
后曰皇太后追皇太后贈太皇太后物部尾輿連公  
為大連物部目連公為大臣  
按日本紀欽明卷十二月庚辰朔甲申天國排開  
廣庭皇子即天皇位時年若于尊皇后曰皇太后  
大伴金村大連物部尾輿大連為大連及蘇我稻



目宿禰大臣為大臣並如故云々作者除大伴金村大連蘇我稱目宿禰入物部目連公者私一氏之所為可見也

敏達紀元年歲次壬辰夏四月壬申朔甲戌皇太子尊即天皇位尊皇后云々物部大市御狩連公為大連

按日本紀元年夏四月壬申朔甲戌皇太子即天皇位尊皇后曰皇太后是月宮于百濟大井以物部弓削守屋大連為大連如故以蘇我馬子宿禰為大臣

用明紀九月甲寅朔戊午天皇即位都於磐余謂池邊雙槻宮物部弓削守屋連公為大連亦為大臣按日本紀九月甲寅朔戊午天皇即天皇位館於磐余名曰池邊雙槻宮以蘇我馬子宿禰為大臣物部弓削守屋連為大連並如故

崇峻紀十一月癸卯朔乙巳馬子宿禰詐於群臣曰今日進東國之調使東漢直駒弒于天皇矣是日葬天皇于倉梯岡陵日本紀作殺無矣字按弒君大惡自為而自書於史策天下豈有此事乎哉是非馬子所撰一大左券也



秋九月辛未朔辛巳唐客云云物部鍾足姬大刀自  
連公為參政

按參政官号可疑也

廿二年夏六月丁卯朔己卯詔大仁失田部御孀連  
公改命造則遣大唐使復大禮犬上君御田鋏為小使  
而遣之物部惠佐古連公為大連

按日本紀六月丁卯朔己卯遣天上御田鋏失田

部造闕於大唐秋八月大臣卧病云々二十三年

秋七月犬上君御田鋏失田部造至自大唐百濟  
使則從犬上君而來朝云々若此書先成焉日本

紀後成者失田部造何闕名之有焉

廿七年冬月壬戌朔甲子制曰云々至桓式云々  
春三月甲子朔制曰奉為君后云々至刑法也

按右二條不知出處

國造本紀

按續日本紀云大寶二年四月庚戌詔定諸國國  
造之氏其名具國造記由之觀之此書蓋據國造  
記作之乎類聚國史畿內國載國造者同于此紀  
則書中可信者此而已然亦非殿戶馬子之撰者  
彰々矣







